

Nr. Prot. 065/B/19

VENDIM Nr. 1401

Për

Miratimin e dokumenteve për Ripërtërirjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC

Në mbështetje të nenit 1, nenit 3, paragrafët 1) dhe 2), nenit 9, paragrafi 3.6), nenit 10, paragrafi 12), nenit 45 paragrafët 1) dhe paragrafi 2), nenit 46, nenit 47, nenit 48, nenit 49, nenit 54 paragrafi 1), paragrafi 2) dhe paragrafi 4) dhe nenit 79 paragrafët 1) dhe 2) të Ligjit për Komunikimet Elektronike Nr. 04/L-109 (*tutje referuar si – Ligji ose LKE*), neni 9.4.1 dhe 9.4.1.2 të Rregullores nr. 22 për dhënien dhe shfrytëzimin e radio frekuencave (*Ref. Nr. Prot. 054/B/13*) dhe nenit 13 paragrafi 1) dhe 5) i Statutit të Autoritetit Rregullativ të Komunikimeve Elektronike dhe Postare (*tutje referuar si – Autoriteti ose ARKEP*), Bordi i Autoritetit i përbërë nga:

- | | |
|-----------------------|---------|
| 1) z. Kreshnik Gashi, | Kryetar |
| 2) z. Nijazi Ademaj, | Anëtar |
| 3) z. Hazir Hajdari, | Anëtar |
| 4) z. Bahri Anadolli, | Anëtar |
| 5) z. Shqiprim Pula | Anëtar |

në mbledhjen e 41-të mbajtur më datë 28 Qershor 2019, vendosi si më poshtë:

V E N D I M

- I. Miratohet dokumenti: **Konkluzionet e ARKEP për Ripërtërirjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC.**
- II. Miratohet dokumenti: **“Përgjigjet në Komentet e Operatorëve nga Këshillimi Publik i Dokumentit Ripërtërirjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC.**

- III. Operatorët “Telekomi i Kosovës” Sh.A. dhe “IPKO Telecommunications” LLC duhet të dorëzojnë aplikacionet për ripërtëritje të autorizimeve për brezet 900 MHz dhe 1800 MHz brenda periudhës prej 15 ditësh nga data e nënshkrimit të këtij vendimi.
- IV. Ky vendim është përfundimtar dhe hyn në fuqi ditën e nënshkrimit.

ARSYETIM

Me Vendimin Nr. 1388 (Ref. ARKEP Nr. Prot. 056/B/19), ARKEP ka miratuar fillimin e procesit të konsultimit publik të këtij dokumenti me palët e interesit lidhur me ripërtëritjen e autorizimeve individuale me qëllim **vazhdimin e periudhës së vlefshmërisë për të drejtën e shfrytëzimit** të kapaciteteve frekuencore në brezin 900 MHz (880- 915 & 935- 960 MHz) dhe 1800 MHz (1710 - 1785 & 1805 - 1880 MHz) për operatorët Telekom i Kosovës Sh.A. dhe IPKO Telecommunications LLC.

Qëndrimet e ARKEP-it në procesin e ripërtëritjes së Autorizimeve individuale të resurseve frekuencore në brezet 900 MHz dhe 1800 MHz në shfrytëzim nga Operatorët Telekom i Kosovës dhe IPKO janë dhënë në dokumentin: Konkluzionet e ARKEP për Ripërtëritjen e Autorizimeve Individuale për të drejtën e shfrytëzimit të kapaciteteve frekuencore në brezet 900 MHz dhe 1800 MHz për operatorët “Telekomi i Kosovës” Sh.A. dhe “IPKO Telecommunications” LLC.

Në përmbajtjen e këtij dokumenti ARKEP ka përfshirë dhe ka marrë në konsiderim zbatimin objektivave rregullatore si dhe Kornizës Rregullatore të BE (referuar PIKES 2 të këtij dokumenti) ku precizohet edhe çështja e ripërtëritja e të drejtave individuale të shfrytëzimit të resurseve frekuencore, si dhe:

- Përmbyshjen e prioriteteve dhe objektivave të përcaktuara sipas politikave për zhvillimin e qëndrueshëm të sektorit të komunikimeve elektronike;
- Nxitjen e investimeve efektive në infrastrukturën e komunikimeve elektronike dhe zhvillimet e reja teknologjike për një kualitet më të lartë të produkteve të tyre.
- Plotësimin të kërkesave të ndërmarrësve/operatorëve për resurse frekuencore duke ofruar fleksibilitet, ndarja dhe efikasiteti në shfrytëzimin e resurseve frekuencore;
- Nxitjen e një konkurrence sa më efikase në tregun e komunikimeve elektronike; si dhe
- E drejta e shfrytëzimit të resurseve frekuencore mbi bazën e legjislacionit në fuqi, përfshirë, rregullat për dhënien, transferimin, rinovimin, modifikimin dhe tërheqjen e së drejtës së shfrytëzimit të resurseve frekuencore, në mënyrë që të garantohet siguria, konsistenca dhe para shikueshmëria rregullatore.

Neni neni 3, paragrafi 1) i LKE-së specifikon: “Rregullimi i aktiviteteve të komunikimeve elektronike duhet të bazohet në parimet e menaxhimit dhe përdorimit efektiv të burimeve të kufizuara, neutralitetit teknologjik, ekuivalencës funksionale, proporcionalitetit, rregullimit minimal të domosdoshëm, sigurisë ligjore në një treg dinamik, zhvillimit ekonomik, duke

siguruar konkurrencë efektive, mbrojtje të të drejtave të konsumatorit, objektivitet të kritereve, kushteve dhe procedurave rregullatore, transparencë dhe mos diskriminim.”

Neni 10 i LKE-së definon kompetencat e ARKEP në kuadër të së cilave është edhe menaxhimi i resurseve të fundme: spektri i radio frekuencave dhe hapësirën e numeracionit në komunikimet elektronike.

Neni 45, paragrafi 2) i Ligjit përcakton se: “Spektri frekuencor (kanalet) do të menaxhohet duke u bazuar në Planin Kombëtar të Radio - frekuencave dhe Planin për përdorimin e radio - frekuencave (kanaleve) konform planeve zhvillimore për radio komunikime.”

Neni 54, paragrafi 2) i Ligjit përcakton se ARKEP vendos kushtet për shfrytëzimin e radio-frekuencave.

Andaj, Bordi i Autoritetit ka vendosur si në dispozitiv të këtij vendimi.

Këshilla Juridike:

Pala e pakënaqur me këtë vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit.

Prishtinë, 01/07/2019

Autoriteti Rregullativ i Komunikimeve Elektronike dhe Postare

**Kreshnik Gashi
Kryetar i Bordit**

Aktvendimi i dërgohet:

- Telekom i Kosovës SH.A.
- IPKO Telecommunications LLC
- Arkivës së Autoritetit.